

摘藻堂四庫全書薈要

集部

欽定四庫全書薈要

集部

御定全唐詩卷六百

八十七至
九十一

詳校官原任事臣李斯咏

欽定四庫全書薈要卷一萬八千九十二

集部

御定全唐詩卷六百八十七

吳融

春歸次金陵

離

春陰漠漠覆江城南國歸橈趁晚程水上驛流初過雨

樹籠堤處

一作去

不離鶯跡疎冠蓋兼無夢地近鄉園自

有情便被東風動離思揚花千里雪中行

途中見杏花

一枝紅豔

一作杏

出牆頭牆外行人正獨愁長得看來猶

有恨可堪逢處更難留林空色暝鶯先到春淺香寒蝶
未遊更憶帝鄉千萬樹澹煙籠日暗神州

秋日經別墅

別墅蕭條海上村偶期蘭菊與琴尊簷橫碧嶂秋光近
樹帶閒一作寒潮晚色昏幸有白雲眠楚客不勞芳草思
王孫北山移去前文在無復教人歎曉猿

紅葉

露染霜乾片片輕斜陽照處轉烘明和煙飄落九秋色
隨浪汎將千里情幾夜月中藏鳥影誰家庭際伴蛩聲
一時衰颯無多恨看着清風綵剪成

離雲溪感事獻鄭員外

足恨饒悲不自由萍無根蒂水長流庾公明月吟連曙
謝守青山看入秋一飯意專堪便死千金諾在轉難酬
雲沈鳥去回頭否平子才多好賦愁

岐州安西門

安西門外徹安西一百年前斷鼓鞞犬解人歌曾入唱
馬稱龍子幾來嘶自從遼水煙塵起更到塗山道路迷
今日登臨須下淚行人無個草萋萋

關西驛亭即事

晚霞零落雨初收關上危闌獨悵一作悵獨留千里好春聊
極目五陵無事莫回頭山猶帶雪霏霏恨柳未禁寒冉
冉愁直是無情也腸斷鳥歸帆沒水空流

望嵩山

三十六峯危似冠晴樓百尺獨登看高凌鳥外青冥窄
翠落人間白晝寒不覺衡陽遮雁過如何鍾阜鬪龍盤
始知萬歲聲長在只待東巡動玉鸞

題湖城縣西道中槐樹

零落歌斜此路中盛時曾識太平風
曉迷天仗歸春苑暮送鸞旗指洛宮
一自煙塵生薊北更無消息幸關東
而今只有孤根在鳥啄蟲穿沒一作魚亂蓬

東歸次瀛上

煖煙輕淡草霏霏一片晴山襯夕

一作川
畫晚

暉水露淺沙

無客泛樹連疎苑有鶯飛自從身與滄浪別長被春教
寂寞歸回首青門不知處向人楊柳莫依依

偶書

青牛關畔寄孤村山當屏風石當門芳樹綠陰連蔽芾
長河飛浪接崑崙苔田綠後蛙爭聚麥壠黃時雀更喧
只此無心便無事避人何必武陵源

得京中親友書訝久無音耗以詩代謝

退閑何事不忘機
況限溪雲靜掩扉
馬頰浪高魚去少
雞鳴關險雁來稀
無才敢更期連茹
有意兼思學採薇
珍重故人知我者
九霄休復寄音徽

即事

抵鵲山前雲掩扉
更甘終老脫朝衣
曉窺青鏡千峯入
暮倚長松獨鶴歸
雲裏引來泉脉細
雨中移得藥苗肥
何須一筋鱸魚膾
始挂孤帆問釣磯

病中宜茯苓寄李諫議

千年菟兔帶龍鱗太華峯頭得最珍金鼎曉煎雲漾粉

玉甌寒貯露含津南宮已借徵詩客

杜工部有寄楊員外菟兔之什

內

署今還託諫臣飛檄愈風知妙手也須分藥救漳濱

槎

浪痕龍跡老敲危流落何時別故枝歲月空教苔蘚積
芳菲長倩薜蘿知有文在朽人難識無靈藏心鳥莫窺
家近滄浪從汎去碧天消息不參差

汴上觀

一本有河
水二字

九曲河水半段來，嚴霜結出勁風裁。
非時已認蟬飄翼，到海須憂蚌失胎。
千里風清聞夏玉，幾人東下憶奔雷。
殷勤莫礙星槎路，從看天津弄杼回。

閒居有作

依依芳樹

一作草

拂簷平繞竹，清流浸骨清。
愛弄綠苔魚

自躍慣偷紅果鳥，無聲踏青堤。
上煙多綠拾翠江邊月，更明只此超然長。
往是幾人能遂鑄金成。

離岐下題西湖

送夏迎秋幾醉來不堪行色被蟬催
身隨渭水看歸遠
夢挂秦雲約自迴
雨細若爲拋釣艇
月明誰復上歌臺
千波萬浪西風急
更爲紅蕖把一盃

岐陽蒙相國對

一作借

宅因抒懷投獻

風有危亭月有臺
平津閣畔好裴回
雖非宋玉誅茅至
且學王家種竹來
已得靜居從馬歇
不堪行色被蟬催
故園蘭菊三千里
旅夢方應校嬾迴

晚泊松江

落日停橈古渡邊
古今蹤跡一蒼然
平沙盡處雲藏樹
遠吹收來水定天
正困東西千里路
可憐瀟灑五湖船
如何不及前賢事
却謝鱸魚在洛川

過澠池書事

澠池城郭半遺基
無限春愁挂落暉
柳渡風輕花浪綠
麥田煙暖錦雞飛
相如忠烈千秋斷
二主英雄一夢歸
莫道新亭人對泣
異鄉殊代也霑衣

富春

水送山迎入富春一川如畫晚晴新雲低遠渡帆來重
潮落寒沙鳥下頻未必柳間無謝客也應花裏有秦人
嚴光萬古清風在不敢停橈更問津

高侍御話及

一本無及字

皮博士池中白蓮因成一

章寄博士魚

一本無上六字

奉呈

白玉花開綠錦池風流御史報人知看來應是雲中墮
偷去須從月下移已被亂蟬催晚晚更禁涼雨動襜褕
習家秋色堪圖畫只欠山公倒接羅

憶猿

翠微雲歛日沈空
叫徹青冥怨不窮
連臂影垂溪色裏
斷腸聲盡月明中
靜含煙峽淒淒雨
高弄霜天嫋嫋風
猶有北山歸意在
少驚佳樹近房櫳

紅樹

一聲南雁已先紅
神女霜飛葉葉

一作槭槭
淒淒葉葉

同自是孤

根非暖

一作燒

地莫驚他木耐秋風暖

一作冷
又作曉

煙散去陰

全薄明月臨來影
半空長憶洞庭千萬樹
照山橫浦夕

陽中

新雁

湘浦波春始北歸
玉關搖落又南飛
數聲飄去和秋色
一字橫來背晚暉
紫閣高翻雲幕幕
灞川低渡雨微微
莫從思婦臺邊過
未得征人萬里衣

海上秋懷

辭無珪組隱無才
門向潮頭過處開
幾度黃昏逢罔象
有時紅旭見蓬萊
磧連荒戍頻頻火
天絕纖雲徃徃雷

昨夜秋風已搖落那堪更上望鄉臺

憶山泉

穿雲落日細前前盡日

一作杳杳

疑聞弄管弦千仞灑來寒

碎玉一泓深去

一作注

碧涵天煙迷葉亂尋難見月好風

清聽不眠春雨正多歸未得只應流恨更潺湲

東歸望華山

碧蓮重疊在青冥落日垂鞭緩客程不奈春煙籠暗澹
可堪秋雨洗分明南邊已放三千馬北面猶標百二城

只怕仙人撫高掌年年相見是空行

遊華州飛泉亭

走馬街南百畝池
碧蓮花影倒參差
偶同人去紅塵外
正值僧歸落照時
萬事已爲春棄置
百憂須賴酒醫治
殷勤待取前峯月
更倚闌干弄釣絲

池上雙鳧二首

碧池悠漾小鳧雛
兩兩依依祇自娛
釣艇忽移還散去
寒鷁有意即相呼
可憐翡翠歸雲髻
莫羨鴛鴦入畫圖

幸是羽毛無取處，一生安穩老菰蒲。

雙鳧狎得

一作相狎

傍池臺戲藻，銜蒲遠又回。敢爲稻梁凌

險去，幸無鷹隼觸

一作逐

波來。萬絲春雨眠時亂，一片濃

萍浴處，開不在籠欄。夜仍好，月汀星沼，剝裹回

葉落

紅影飄來翠影微，一辭林表不知歸。伴愁無色煙猶在，
替恨成啼露未晞。若逐水流應萬里，莫因風起便孤飛。
楚郊千樹秋聲急，日暮紛紛惹客衣。

和皮博士赴上京觀中修靈

此下一本有寶字

齋贈威

儀尊師兼見寄

霓結雙旌羽綴裙
七星壇上拜元君
精誠有爲天應感
章奏無私鬼怕聞
鶴馭已從煙際下
鳳膏還向月中焚

漢武燒鳳膏爲燭以祀神壇

白雲鄉路看看到好駐
流年翊聖文

春雨

霏霏漠漠暗和春
羃翠凝紅色更新
寒入臆裘濃曉睡
細隨油壁靜香塵
連雲似織休迷雁
帶柳如啼好贈人

別有空階寂寥事綠苔狼籍落花頻

秋池

冷涵秋水碧溶溶一片澄明見底空
有日晴來雲襯白幾時吹落葉浮紅
香啼蓼娟娟露乾動蓮莖浙浙風
凌曉無端照衰髮便悲霜雪鏡光中

首陽山

首陽山枕黃河水上有兩人曾餓死
不同天下人爲非兄弟相看自爲是
遂令萬古識君心爲臣貴義不貴身

精靈長在白雲裏應笑隨時飽死人

太湖石歌

洞庭山下湖波碧波中萬古生幽石鐵索千尋取得來

奇形怪狀誰能識初疑朝

一作國

家正人立又如戰士方

狙擊又如防風死後骨又如於菟活時額又如成人楓

又如害癭柏雨過上

一作尚

停泓風來中

一作因

有隙想得

沈潛水府時興雲出雨蟠蛟螭今來砮矸林庭上長恐

忽然生白浪用時應不稱媧皇將去也堪隨博望噫嘻

爾石好憑依幸有方池并釣磯小山叢桂且爲伴鍾阜
白雲長自歸何必豪家甲第裏玉闌干畔爭光輝一朝
荊棘忽流落何異綺羅雲雨飛

贈方干處士歌

把筆盡爲詩何人敵夫子句滿天下口名聒天下耳不
識朝不識市曠逍遙閒徙倚一杯酒無萬事一葉舟無
千里衣裳白雲坐卧流水霜落風高忽相憶惠然見過
留一夕一夕聽吟十數篇水榭林蘿爲岑寂拂旦舍我

亦不辭攜筇徑去隨所適隨所適無處覓雲半片鶴一
隻

李周彈箏歌

淮南韋太尉席上贈

古人云絲不如竹竹不如肉

一作古云絲聲不如竹又云竹聲不如肉

乃知

此語未必然李周彈箏聽不足聞君七歲八歲時五音

六律皆生知就中十三弦最妙應宮

一作官

出入年方少

青驄慣走長楸日

一作問

幾度承恩蒙急召

一作召急

一字雁

行斜

一作雁字斜行近

御筵鏘金夏羽凌非

一作霏

煙始似五更

殘月裏淒淒切切清露蟬又如石罅堆葉下泠泠瀝瀝

蒼崖泉鴻門玉斗初向地織女金梭飛上天有時上苑

繁花發有時太液秋波濶當頭獨坐擬一聲滿座好風

生拂拂天顏開

一本有
兮字

聖心悅紫金白珠霑賜物出來

無暇更還家且上青樓醉明月年將六十藝轉精自寫

梨園新曲聲近來一事還惆悵故里春荒煙草平供奉

供奉且聽語自昔興衰看樂府祇如伊州與梁州盡是

太平時歌舞旦夕君王繼此聲不要停弦淚如雨

贈詈光上人草書歌

篆書樸隸書俗草聖貴在無羈束江南有僧名詈光紫
毫一管能顛狂人家好壁試揮拂

一作灑

瞬目已流三五

行摘如鈎挑如撥斜如掌迴如幹又如夏禹鑿淮神波
底出來手正拔又如朱亥鎚晉鄙袖中擡起腕欲脫有

時軟縈盈一穗

一作色

秋雲曳空濶有時瘦巉岩百尺枯

松露槎枿忽然飛動更驚人一聲霹靂龍蛇活稽山賀
老昔所傳又聞能者惟張顛上人致功應不下其奈飄

飄滄海邊可中一八天子國絡素裁縑灑毫墨不繫知
之與不知須言一字千金值

贈李長史歌

并序

余客武康縣既旬日將去邑長相餞於溪亭座中
有李長史袖出蘆管自請聲以送客且言我業此
二十年年少時五陵豪俠無不與之遊梨園新聲
一聞之明日皆出我下泊巢賊腥穢宮闕逃難於
東江淮間非吾土又無樂

一作知

音敝衣旅食雙鬢

雪然然風月好時或亭臯送別必引滿自勸不能
忘情一曲未終泣然承睫越鳥胡馬之感感動傍
人羅進士隱初遇金陵有贈詩尚能成誦在口余
憫李之流落仰羅之所感故贈之時光啟戊申歲
清明月之八日

危欄壓溪溪澹碧翠裏紅飄鶯寂寂此日長亭愴別離
座中忽遇吹蘆客雙攘輕袖當高軒含商吐羽凌非一作

霏煙初疑一百尺瀑布八九月落香爐巔又似鮫人爲

客罷迸淚成珠玉盤瀉碧珊瑚碎震澤中金銀鐙撼龜
山下鏗訇揭調初驚人幽咽細聲還感神紫鳳將雛叫
山月玄兔喪子啼江春咨嗟長史出人藝如何值此艱
難際可中長似承平基肯將此爲閒人吹不是東城射
雉處即應南苑鬪雞時白櫻桃熟每先賞紅芍藥開長
有詩賣珠曾被武皇問薰香不怕賈公知今來流落一
何苦江南江北九寒暑翠華猶在橐泉中一曲梁州淚
如雨長史長史聽我語從來藝絕多失所羅君贈君兩

首詩半是悲君半自悲

贈廣利大師歌

化人之心固甚難自化之

其一作

心更不易化人可以程

限之自化元須有其志在心爲志者何人今日得之於

廣利三十年前識師初正見把筆學草書崩雲落日

一作

石千萬狀隨手變化生空虛海北天南幾回別每見書

蹤轉竒絕近來兼解作歌詩言語明快有氣骨堅如百

鍊鋼挺特不可屈又如千里馬脫韉飛滅沒好是不雕

刻縱橫衝口發昨來示我十餘篇詠殺江南風與月乃
知性是天習是人一作乃知性天習成人莫輕河邊殺雁飛作天
上麒麟但日新又日新李太白非通神

古離別

雜言

紫鸞

一作燕

黃鸝雖別離一舉千里何難追猶聞啼風與

叫月流連斷續令人悲賦情更有深繾綣碧甃千尋尚
爲淺蟾蜍正向清夜流蛺蝶須教墮絲罥莫道斷絲不
可續丹穴鳳凰膠不遠莫道流水不迴波

一作草草通流水不迴

海上兩潮長自返

風雨吟

風騷騷雨泠泠長洲苑外荒居深門外流水流澶漫河
邊古木鳴蕭森曼無禽影寂無人音端然拖愁坐萬感
叢於心姑蘇碧瓦十萬戶中有樓臺與歌舞尋常倚月
復眠花莫說斜風兼細雨應不知天地造化是何物亦
不知榮辱是何一作誰主吾困長滿是太平吾樂不極是
天生豈憂天下有大慙四郊刁斗常錚錚官軍擾人甚

於賊將臣怕死唯守城又豈復憂朝廷苦弛慢中官轉

縱橫李膺勾

一作鉤

黨即罹患竇武忠謀又未行又豈憂

文臣盡遭束高閣文教從今日

一作今日徒

蕭索若更無人

稍近前把筆到頭同一惡可嘆吳城城中人無人與我

交一言蓬蒿滿徑塵一榻獨此閔閔

一作閔處

何其煩雖然

小或可謀大婆婦之憂史尚存況我長懷丈夫志今來

流落滄溟矣有時驚事再咨嗟因風因雨更憔悴只有

閒橫膝上琴怨傷怨恨聊相寄伯牙海上感滄溟何似

一作
今朝風雨思

江行

來時風去時雨
蕭蕭颭颭春江浦
歌歌側側海門帆
軋軋啞啞洞庭櫓

壁畫折竹雜言

枯纏藤重歌雪渭曲逢
湘江別不是從來無本根
畫工取勢教摧折

古錦裾六韻

錦上有鸚鵡鶴
陸處士有序

濯水經何日隨風故有人綠衣猶偈畫丹頂尚迷真暗
澹雲沈古青蒼蘇剝新暎襟知惹淚侵韉想縈塵制手更
無由睹流傳久自珍武威應認得牽挽一作穿脫幾當春

賦得欲曉看妝面

朧朧欲曙色隱隱辨殘妝月始雲中出花猶霧裏藏眉
邊全失翠額畔半留黃轉入金屏影隈侵角枕光有蟬
隳鬢樣無燕著釵行十二峯前夢如何不斷腸

府試雨夜帝里聞猿聲

雨滴秦中夜猿聞峽外聲已吟何遜恨還賦屈平情暗
逐哀鴻淚遙含禁漏清直疑遊萬里不覺在重城霎霎
侵燈亂啾啾入夢驚明朝臨曉鏡別有鬢絲生

題畫柏

不得月中桂轉思陵上柏閑取畫圖看煩紆果一作冰

釋桂生在青冥萬古煙霧隔下蔭玄兔窟上暎嫦娥魄

圓缺且不常一作當高低圖一作固難測若非假羽翰折攀

何由得天遠眼虛穿夜闌頭自白未知一作如陵上柏一

定不移易有意兼松茂無情從麝食不在是非間與人
爲憤激他年上縑素今日懸屋壁靈怪不可知風雨疑
來逼明朝歸故園唯此同所適回首寄團枝無勞惠消
息

平望蚊子二十六韻

天下有蚊子候夜嗜人膚平望有蚊子白晝來相屠不
避風與雨羣飛出菰蒲擾擾蔽天黑雷然隨舳艫利嘴
入人肉微形紅且濡振蓬亦不懼至死貪膏腴舟人敢

停棹陸者亦疾趨南北百餘里畏之如虎

驅一作

噫嘻

天地間萬物各有殊陽者陽爲伍陰者陰爲徒蚊蚋是

陰物夜從喧牆隅如何正曦赫吞噬當通衢人筋爲爾

斷人力爲爾枯衣巾穢且甚盤饌腥有餘豈是陽德衰

不能使消除豈是有主者此鄉宜毒荼吾聞蛇能螫避

之則無虞吾聞蠆有毒見之可疾驅唯是此蚊子逢人

皆病諸江南夏景好水木多蕭疎此中震澤路風月彌

清虛前後幾來往襟懷曾未舒朝既蒙襍積夜仍跼遽

蔭雖然好吟嘯其奈難踟躕人生有不便天意當何如
誰能假羽翼直上言紅

一作
告洪鑪

桃花

滿樹和

一作
如

嬌爛漫紅萬枝丹彩灼春融何當結作千

年實將示人間造化工

木筆花

嫩如新竹管初齊粉膩紅輕樣可攜誰與詩人俚檻看
好於牋墨併分題

湖東筵上有寄

襄王席上一神仙眼色相當語不傳見了又休真似夢
坐來雖近遠於天隴禽有意猶能說江月無心也解圓
更被東風勸惆悵落花時節定一作蝶翩翩

富水驛東楹有人題詩

筆跡柔媚
出自纖指

繡纓霞翼兩鴛鴦金島銀川是故鄉只合雙飛便雙死
豈悲相失與相忘煙花夜泊紅葉膩蘭渚春遊碧草芳
何事遽驚雲雨別秦山楚水兩乖張

上巳日

本學多情劉武威
尋花傍水看春暉
無端遇著傷心事
贏得淒涼索漠歸

隋堤

搔首隋堤落日斜
已無餘柳可藏鴉
岸傍昔道牽龍艦
河底今來走犢車
曾笑陳家歌玉樹
却隨後主看瓊花
四方正是無虞日
誰信黎陽有古家

御定全唐詩卷六百八十七

欽定四庫全書薈要卷一萬八千九十三

集部

御定全唐詩卷六百八十八

孫偓

孫偓字龍光武邑人乾寧中宰相封樂安公詩三首

寄杜先生詩

蜀國信難遇楚鄉心更愁我行同范蠡師舉效浮丘他
日相逢處多應在十洲

贈南嶽僧全玘

末句缺一字

窠居過後更何人傳得如來法印真昨日祝融峰下見
草衣便是雪山

荅門生王渙李德鄰趙光胤王拯長句

一作裴贊詩

謬持文柄得時賢粉署清華次第遷昔歲策名皆健筆
今朝稱職並同年各懷器業寧推讓俱上青霄肯後先
何事老夫猶賦詠欲將酬和永留傳

句

好是步虛明月夜瑞爐蜚下醮壇前

見玉堂閒話

陸扆

陸扆字祥文吳郡嘉興人家於陝昭宗朝拜相遷洛後
貶濮州司戶死白馬驛集七卷今存詩一首

禁林聞曉鶯

曙色分層漢鶯聲繞上林報花開瑞錦催柳綻黃金斷
續隨風遠間關送月沈語當溫樹近飛覺禁園深繡戶
驚殘夢瑤池轉好音願將棲息意從此沃天心

句

今秋已約天台月

紀事

薛昭緯

薛昭緯河東人乾寧中為禮部侍郎天復中累貶碭州
司馬詩二首

華州榜寄諸門生

時君過聽委平衡粉署華燈到曉明開卷固難窺浩汗
執衡空欲慕公平機雲筆舌臨文健沈宋章篇發詠清

自笑觀光輝

下闕

謝銀工

一櫟氈根數十皴盤中猶更有紅鱗
早知文字多辛苦悔不當初學冶銀

陸翹

陸翹義興人登第不受辟而卒宰相希聲之父詩二首
閒居即事

衰柳迷隋苑衡門啼暮鴉茅厨煙不動書牖日空斜
悔下東山石貧於南阮家沈憂損神慮萱草自開花

趙氏北樓

慙慙趙公子良夜竟相留
朗月生東海仙娥在北樓
酒闌珠露滴歌迥石城秋
本為愁人設愁人到曉愁

狄歸昌

狄歸昌官侍郎光化中歷尚書左丞詩一首

題馬嵬驛

一作羅隱詩

馬嵬煙柳正依依
重見鑿輿幸蜀歸
泉下阿蠻應有語
這回休更怨楊妃

裴廷裕

裴廷裕字膺餘昭宗時翰林學士左散騎常侍後貶湖
南卒詩二首

蜀中登第荅李搏六韻

何勞問我成都事亦報君知便納降蜀柳籠堤煙矗矗
海棠當戶燕窠窠富春不並窮師子濯錦全勝旱曲江
高捲絳紗楊氏宅

時主文寓楊子
卷故有此句

半垂紅袖薛濤牕

花泛鷓鴣詩千首靜衆

寺名

尋梅酒百缸若說弦歌與風景

主人無是碧油幢

偶題

微雨微風寒食節
半開半合木蘭花
看花倚柱終朝立
却似淒淒不在家

李沆

李沆字東濟江夏人宰相礪之子也與礪同為王行瑜所殺行瑜敗贈禮部員外郎詩六首

閒宵望月

卷箔舒紅茵當軒翫明月
懿哉深夜中靜聽歌初發
苔含殿華濕竹影蟾光潔
轉扇來清風援琴飛白雪
行愁景候變坐恐流芳歇
桂影有餘光蘭燈任將滅

醮詞

犬咬天闕閉彩童呼僊吏
一封紅篆書為奏塵寰事
八極鼇柱傾四溟龍鬣沸
長庚冷有芒文曲澹無氣
烏輪不再中黃沙瘞腥鬼
請帝命真官臨雲啟金匱
方與清華宮重正紫極位
曠古雨露息安得惜沾施
生人血欲

盡攬捨無飽意

巫山高

扶天心開地脉浮動凌霄拂藍碧襄王端眸望不極似
睹瑤姬長歎息巫妝不治獨西望暗泣紅蕉抱雲帳君
王妬妾夢荆宮虛把金泥印仙掌江濤迅激如相助十
二獍龍怒行雨崑崙謾有通天路九峰正在天低處

夢仙謠

海宮感浪收殘月挈壺掌事傳更歇銀蟾半墜恨流咽

六鰲披月撼蓬闕九炁真翁騎白犀臨池靜聽雌蛟啼
桂花浥露曙香冷八窗玉朗驚晨雞裁紗翦羅貼丹鳳
膩霞遠閉瑤山夢露乾欲醉芙蓉塘迴首驅雲朝正陽

秋霖歌

西方龍兒口猶乳初解驅雲學行雨縱恣羣陰駕老虬
勺水蹄涔盡奔注葉破苔黃未休滴膩光透長狂莎色
恨無長劍一千仞剗斷頑雲看晴碧

方響歌

敲金扣石聲相凌
遙空冷靜天正澄
寶蟠下井輓轡急
小娃弄索傷清水
穿絲透管音未歇
迴風繞指驚泉咽
季倫怒擊珊瑚摧
靈芸整鬢步搖折
十六葉中侵素光
寒玲震月雜珮璫
雲和不覺罷餘怨
蓮峰一夜啼琴姜
急節寫商商恨促
秦愁越調逡巡足
夢入仙樓夏殘曲
飛霜稜稜上秋玉

裴贄

裴贄字敬臣及進士第擢累右補闕御史中丞刑部尚

書昭宗時拜中書侍郎兼本官同中書門下平章事帝
幸鳳翔為大明宮留守罷俄進尚書左僕射以司空致
仕為朱全忠所害詩一首

荅王渙

一作孫
偓詩

謬持文柄得時賢粉署清華次第遷昔歲策名皆健筆
今朝稱職並同年各懷器業寧推讓俱上青霄肯後先
何事老夫猶賦詠欲將酬和永留傳

盧汝弼

才調集
作盧弼

盧汝弼登進士第以祠部員外郎知制誥從昭宗遷洛
後依李克用克用表為節度副使詩八首

薄命妾

君恩已斷盡成空
追想嬌歡恨莫窮
長為薜花光曉日
誰知團扇送秋風
黃金買賦心徒切
清路飛塵信莫通
閒凭玉欄思舊事
幾回春暮泣殘紅

秋夕寓居精舍書事

葉滿苔階杵滿城
此中多恨艱難平
疎簷看織蠹蛸網

暗隙愁聽蟋蟀聲
醉卧欲拋羈客思
夢歸偏動故鄉情
覺來獨步長廊下
半夜西風吹月明

聞雁

秋風蕭瑟靜埃氛
邊雁迎風響咽羣
瀚海應嫌霜下早
湘川偏愛草初薰
蘆洲宿處依沙岸
榆塞飛時度晚雲
何處最添羈客恨
竹窗殘月酒醒聞

鴛鴦

雙浮雙浴傍苔磯
蓼浦蘭皋繡帳幃
長羨鷺鷥能潔白

不隨鷓鴣鬪毛衣霞侵綠渚香衾暖樓倚青雲殿瓦飛
應笑隨陽沙漠雁洞庭煙暖又思歸

和李秀才邊庭四時怨

春風昨夜到榆關故國煙花想已殘少婦不知歸不得
朝朝應上望夫山

盧龍塞外草初肥雁乳平蕪曉不飛鄉國近來音信斷
至今猶自著寒衣

八月霜飛柳半黃蓬根吹斷雁南翔隴頭流水關山月

泣上龍堆望故鄉

朔風吹雪透刀瘢
飲馬長城窟更寒
半夜火來知有敵
一時齊保賀蘭山

御定全唐詩卷六百八十八

欽定四庫全書薈要卷一萬八千九十四

集部

御定全唐詩卷六百八十九

陸希聲

陸希聲吳人博學善屬文尤工書初隱義興後召為右
拾遺累遷歙州刺史昭宗聞其名徵拜給事中尋除戶
部侍郎同中書門下平章事在位無所輕重以太子少
師罷卒贈尚書左僕射謚曰文有頤山詩一卷今存二

十二首

山居

一作房

即事二首

君山蒼翠接青冥東走洮湖上洞庭茅屋向陽梳白髮
竹窓深夜誦丹經湧泉回沈魚龍氣怪石驚騰鳥獸形
為問前時金馬客此焉還作少微星

不是幽棲矯性靈從來無意在羶腥滿川風物供高枕
四合雲山借畫屏五鹿歸來驚嶽嶽孤鴻飛去入冥冥
君陽遁叟何為樂一炷清香兩卷經

陽羨雜咏十九首

苦竹逕

山前無數碧琅玕一逕清森五月寒世上何人憐苦節
應須細問子猷看

梅花塢

凍藥凝香雪豔新小山深塢伴幽人知君有意凌寒色
羞共千花一樣春

石兜臺

大河波浪激潼關青兜胡為伏此山遙想楚王雲夢澤

蜺旌羽蓋定空還

講易臺

年逾知命志尤堅
獨向青山更絕編
天下有山山有水
養蒙肥遯正條然

觀魚亭

惠施徒自學多方
謾說觀魚理未長
不得莊生濠上旨
江湖何以見相忘

綠雲亭

六月清涼綠樹陰
小亭高卧滌煩襟
羲皇向上何人到
永日時時弄素琴

清輝堂

野人心地本無機
為愛茅簷倚翠微
盡日尊前誰是客
秋山含水有清輝

觀妙庵

妙理難觀旨甚深
欲知無欲是無心
茅庵不異人間世
河上真人自可尋

西陽亭

隔林殘日照孤亭
玄宴先生酒未醒
入夜莫愁迷下路
昔人猶在逐流螢

弄雲亭

自知無業致吾君
只向春一作空山弄白雲
已共此山私

斷當不須轉轍重移文

伏龜堂

盤崖蹙縮似靈龜
鬼谷先生隱遁時
不獨卷懷經世志

白雲流水是心期

桃花谷

君陽山下足春風
滿谷仙桃照水紅
何必武陵源上去
澗邊好過落花中

含桃圓

小圃初晴風露光
含桃花發滿山香
看花對酒心無事
倍一作但覺春來白日長

茗坡

二月山家穀雨天半坡
芳茗露華鮮春醒酒病兼消渴
惜取新芽旋摘煎

松嶺

嶺上青松手自栽已能蒼翠映莓苔
歲寒本是君家事好送清風月下來

桃溪

芳草霏霏遍地齊
桃花脉脉自成谿也知百舌多言語
任向春風盡意啼

李徑

一徑穠芳萬藥攢
風吹雨打未推殘
憐君盡向高枝發
應為行人要整冠

鴻盤

落落飛鴻漸始盤
青雲起處剃須看
如今天路多繒繳
縱使銜蘆去也難

偃月嶺

山嶺依稀偃月形
數層倚石疊空青
幾迴雪夜寒光積

直似金光照戶庭

寄誓光上人

筆下龍蛇似有神
天池雷雨變逡巡
寄言昔日不龜手
應念江頭泝潁人

李昭象

李昭象字化文
父方立為池州刺史
因家焉懿宗末年
以文干相國路巖
巖問其年曰十有七矣
巖年尚少尤
器重之薦於朝將召試
會巖貶遂還秋浦移居九華與

張喬顧雲輩為方外友詩八首

喜杜荀鶴及第

深巖貧復病榜到見君名
貧病渾如失山川頓覺清
一春新酒興四海舊詩聲
日使能吟者西來步步輕

赴舉出山留寄山居鄭叅軍

還如費冠卿向北振高名
肯羨魚鬚美長誇鶴氅輕
理琴寒指倦試藥黑髭生
時泰難雲卧隨看急詔行

題顧正字谿居

高敞吟軒近釣灣塵中來似出人間若教明月休生桂
應得危時共掩關春酒夜棊難放客短籬疎竹不遮山
莫誇恬淡勝榮祿雁引行高未許閒

寄獻山中顧公員外

抽却朝簪著釣蓑近來聲迹轉巍峩祥麟避網雖山野
丹鳳銜書即辟蘿乍隱文章情更逸久閒經濟術翻多
深慙未副吹噓力竟困風埃爭奈何

山中寄崔諫議

半生猿鳥共山居
吟月吟風兩鬢疎
新句未嘗忘教化
上才爭忍不吹噓
全家欲去干戈後
大國中興禮樂初
從此升騰休說命
祇希公道數封書

學仙詞寄顧雲

記得初傳九轉方
碧雲峰下祝虛皇
丹砂未熟心徒切
白日難留鬢欲蒼
無路洞天尋穆滿
有時人世美劉郎
仙人恩重何由報
焚盡星壇午夜香

寄尉遲侍御

一作郎

我眠青嶂弄澄潭君戴貂蟬白玉簪應向謝公樓上望
九華山色在西南

招西洞道者

危峰抹黛夾晴川樹簇紅英草碧煙樵客雲僧兩無事
此中堪去覓靈仙

句

投文得仕而今少佩印還家古所榮

送周繇之建德唐詩紀事

御定全唐詩卷六百八十九

欽定四庫全書薈要卷一萬八千九十五

集部

御定全唐詩卷六百九十

王駕

王駕字大用河中人大順元年登進士第仕至禮部員外郎自號守素先生集六卷今存詩六首

夏雨

非惟消旱暑且喜救生民
天地如蒸濕園林似却春
洗風清枕簟換夜失埃塵
又作豐年望田夫笑向人

古意

夫戍蕭關妾在吳
西風吹妾妾憂夫
一行書信千行淚
寒到君邊衣到無

社日

一作張演詩

鵝湖山下稻梁肥
豚栅雞棲

一作時

半

一作對

掩扉桑柘影

斜春社散家家
扶得醉人歸

雨晴

一作晴景

雨前初見花間藥
雨後魚無葉裏花
蛺蝶飛來過牆去

却疑春色在鄰家

亂後曲江

一作羊士諤詩

憶昔爭一作曾遊曲水濱
未春長有探春人
遊春人盡空
池在直至春深不似春

過故友居

鄰笛寒吹日落初
舊居今已別
人居亂來兒姪皆分散
惆悵僧房認得書

王渙

王渙字羣吉大順二年登第官考功員外郎詩十四首
上裴侍郎

青衿七十榜三年建禮舍香次第遷珠彩下連星錯落
桂花曾對月嬋娟玉經磨琢多成器劍拔沈埋更倚天
應念銜恩最深者春來為壽拜尊前

悼亡

春來得病夏來加深掩粧窗卧碧紗為怯暗藏秦女扇
怕驚愁度阿香車腰肢暗想風欺柳粉態難忘露洗花

今日青門葬君處
亂蟬衰草夕陽斜

惆悵詩十二首

八蠶薄絮鴛鴦綺
半夜佳期並枕眠
鐘動紅娘喚歸去
對人勻淚拾金鈿

李夫人病已經秋
漢武看來不舉頭
得所

一作
修嫖

濃華銷

歇盡楚魂湘血
一生休

謝家池館花籠月
蕭寺房廊竹颭風
夜半酒醒憑檻立
所思多在別離中

隋師戰艦欲亡陳國破應難保此身訣別徐郎淚如雨
鏡鸞分後屬何人

七夕瓊筵隨

一作往

事陳兼花蓮蒂

一作花蓮葉

共傷神蜀王

殿裏三更月不見驪山私語人

夜寒春病不勝懷玉瘦花啼萬事乖薄倖檀郎斷芳信
驚嗟猶夢合歡鞋

嗚咽離聲管吹秋妾身今日為君休齊奴不說平生事
忍看花枝謝玉樓

青絲一綰墮雲鬟
金剪刀鳴不忍看
持謝君王寄幽怨
可能從此住人間

陳宮興廢事難期
三閣空餘綠草基
狎客淪亡麗華死
他年江令獨來時

晨肇重來路已迷
碧桃花謝武陵溪
山目斷無尋處
流水潺湲日漸西

少卿降北子卿還
翔野離觴慘別顏
却到茂陵惟一慟
節毛零落鬢毛斑

夢裏分明入漢宮
覺來燈背錦屏空
紫臺月落關山曉
腸斷君恩信畫工

戴司顏

戴司顏登大順進士第官太常博士詩二首

江上雨

非不欲前去此情非自由
星辰照何處風雨送涼寒
鎖空江夢聲隨黃葉愁
蕭蕭猶未已早晚去蘋洲

塞上

空蹟畫蒼茫沙腥古戰場逢春多霰雪生計在牛羊冷
角吹鄉淚乾榆落夢牀從來山水客誰謂到漁陽

句

遠來朝鳳闕歸去戀元侯

贈僧見
紀事

吳仁璧

吳仁璧字廷寶吳人

或云闕
右人

大順二年登進士第錢鏐

據浙累辟不就鏐怒沈之江詩一卷今存十一首

投謝錢武肅

東門上相好知音數盡臺前郭隗金累重雖然容食槩
力微無計報焚林弊貂不稱芙蓉幕衰朽仍慚玳瑁簪
十里溪光一山月可堪從此負歸心

客路

人寰急景如波委客路浮雲似蓋輕回首故山天外碧
十年無計却歸耕

南徐題友人郊居

門前樵徑連江寺岸下漁磯繫海槎待到秋深好時節

與君長醉隱侯家

讀度人經寄鄭仁表

身雖一旦塵中老名擬三清會裏題
二午九齋餘日在請君相伴醉如泥

秋日聽僧彈琴

金徽玉軫韻泠然言下浮生指下泉
恰稱秋風西北起一時吹入碧湘煙

賈誼

扶持一疏滿遺編
漢陞前頭正少年
誰道恃才輕絳灌
却將惆悵弔湘川

春雪

雪霽凝光入坐寒
天明猶自卧袁安
貂裘穿後鶴氅敝
自此風流不足看

衰柳

金風漸利露珠團
廣陌長堤黛色殘
水殿狂遊隋煬帝
一千餘里可堪看

鳳仙花

香紅嫩綠正開時
冷蝶飢蜂兩不知
此際最宜何處看
朝陽初上碧梧枝

金錢花

淺絳濃香幾朶勻
日鎔金鑄萬家新
堪疑劉寵遺芳在
不許山陰父老貧

錢塘鶴

人間路靄青天半
鰲岫雲生碧海涯
雖抱雕籠密扇鑰

可能長在叔倫家

句

為惜苔錢妨換砌因憐山色旋開尊

閒居

高閣煙霞禪

客睡滿城塵土世人忙

遊法華寺

五龍金角向星斗三洞

玉音愁鬼神

贈道士

蒲草薄裁連蒂白臙脂濃染半葩紅

題鶯粟花
以上並雅言雜載

汪極

汪極字極甫歙人大順三年進士詩一首

奉試麥壘多秀色

南陌生歧穗農家樂事多
滕畦交茂綠苗實際清和日
布玲瓏影風翻浩蕩波
來年知帝力含哺有衢歌

張曙

張曙吏部侍郎聚之子大順中登第官右補闕詩一首
下第戲狀元崔昭緯

千里江山陪驥尾五更風水失龍鱗
昨夜浣花溪上雨
綠楊芳草為何人

林嵩

林嵩字雄飛大順中登進士第官侍御史詩一卷今存
一首

贈天台王處士

深隱天台不記秋琴臺長別一何愁
茶煙巖外雲初起
新月潭心釣未收
映宇異花叢發好
穿松孤鶴一聲幽
赤城不掩高宗夢
寧久懸冠枕瀑流

御定全唐詩卷六百九十

欽定四庫全書薈要卷一萬八千九十六

集部

御定全唐詩卷六百九十一

杜荀鶴

杜荀鶴字彥之池州人有詩名自號九華山人大順二年第一人擢第復還舊山宣州田頔遣至汴通好朱全忠厚遇之表授翰林學士主客員外郎知制誥恃勢侮易縉紳衆怒欲殺之而未及天祐初卒自序其文為唐風集十卷今編詩三卷

春宮怨

一作周
朴詩

早被嬋娟誤欲妝
臨鏡慵承恩不在貌
教妾若為容
風暖鳥聲碎日高花影重
年年越溪女相憶采芙蓉

訪道者不遇

寂寂白雲門尋真不遇真
祇應松上鶴便是洞中人
藥圃花香異沙泉鹿跡新
題詩留姓字他日此相親

送人遊吳

君到姑蘇見人家
畫枕河古宮間地少水
港小橋多夜

市賣菱藕春船載綺羅
遙知未眠月鄉思在漁歌

送陳昉歸麻川

麻川清見底似入武陵溪
兩岸山相向三春鳥亂啼
酒旗和柳動僧屋與雲齊
即此吾鄉路懷君夢不迷

出山

病眼看

一作見

春榜文場公道開
朋人登第盡白髮出山

來處世曾無過

一作過

惟天合是媒
長安不覺遠期遂一

名迴

浙中逢詩友

到處有同人，多為賦與文。
詩中難得友，湖畔喜逢君。
凍把一作抱城根雪，風開嶽面雲。
苦吟吟不足，爭忍話離羣。

送友遊吳越

去越從吳過，吳疆與越連。
有園多種橘，一作無水不生

蓮夜市橋邊。火春風寺外船，
此中偏重客。君去必經年。

出常山界使回有寄

自小即南北，未如今日離。
封疆初盡處，人使却回時。
開

口有所忌此心無以為行行復垂淚不稱是男兒

經廢宅

人生當貴盛修德可延之不慮有今日爭教無破時
蘇斑題字壁花發帶巢枝何況蒿原上荒墳與折碑

登天台寺

一到天台寺高低景旋生共僧巖上坐見客海邊行
野色人耕破山根浪打鳴忙時向閒處不覺有閒情

途中春

馬上覽春色丈夫慙淚垂一生看却老

一作老却

五字未逢

知酒力不能久愁根無可醫明年到今日公道與誰期

入關歷陽道中却寄舍弟

求名日苦辛日望日榮親落葉山中路秋霖馬上人晨
昏知汝道詩酒衛吾身自笑拋麋鹿長安擬醉春

贈歐陽明府

賢宰宰斯邑政聞閭里間都緣民訟少長覺吏徒閒帆
落尊前浦鐘鳴枕上山回舟却

一作亦

惆悵數宿釣魚灣

贈臨上人

不計禪兼律終須入悟門
解空非有自所得是無言眼
豁浮生夢心澄大道源
今來習師者多鑠教中猿

題戰島僧居

在江之心

師愛無塵地江心島上居
接船求化慣登陸赴齋踈載
土春栽樹一作竹拋生日餒魚
入雲蕭帝寺畢竟欲何如

別衡州牧

朝別使君門暮投江上村
從來無舊分臨去望何恩
行

計自不定此心誰與論秋猿叫寒月祇欲斷人魂

送人遊江南

滿酌勸君酒勸君君莫辭能禁幾度別即到白頭時晚
岫無雲蔽春帆有燕隨男兒兩行淚不欲等閒垂

遊茅山

步步入山門仙家鳥徑分漁樵不到處麋鹿自成羣石
面迸出一作流水松頭穿破一作亂雲道人星月下相次禮

茅君

讀友人詩卷

冰齒味瑤軸祇應神鬼知坐當羣靜後吟到月沈時雪
峽猿聲健風櫂鶴立危篇篇一字字誰復更言詩

寄從叔

三族不當路長年猶布衣苦吟天與性直道世將非鴈
夜愁癡坐漁鄉老憶歸為儒皆可立自是拙時機

寄李溥

如我如君者不妨身晚成但從時輩笑自得古人情共

莫更初志俱期立後名男兒且如此何用歎平生

郊居即事投李給事

無祿奉晨昏閒居幾度春江湖苦吟士天地最窮人書
劍同三友蓬蒿外四鄰相知不相薦何以自謀身

寄詩友

別來春又春相憶喜相親與我為同志如君能幾人何
時吟得力漸老事關身惟有前溪水年年濯容塵

題田翁家

一作
家翁

田翁真快活婚嫁不離村
州縣供輸罷追隨鼓笛喧
盤殮同老少家計共田園
自說身無事應官有子孫

長安冬日

近臘饒風雪閒房凍坐時
書生教到此天意轉難知
吟苦猿三叫形枯柏一枝
還應公道在未忍與山期

霽後登唐興寺水閣

一雨三秋色蕭條古寺閒
無端登水閣有處似家山
白日生新事何時一作人
得暫閒將知老僧意未必戀松關

山中寄友人

深山多隙地無力及耕桑不是營生拙都緣覓句忙破
窗風一作嵐翳燭穿屋月侵牀吾友應相笑辛勤道未光

自述

四海欲行遍不知終過誰用心常合道出語或傷時擬
作閒人老慙無一作為識者嗤如今已無計祇得苦于詩

題江山寺

江上山頭寺景留吟客船遍遊銷一日重到是何年沙

鳥多翹足巖僧半露肩為詩多語澀喜此得終篇

秋日旅舍卧病呈所知

秋色上庭枝愁懷切向誰青雲無勢日華髮有狂時枕
上聞風雨江南繫別離如何吟到此此道不聞一作
逢知

秋宿山館

山館坐待曉夜長吟役神斜風吹敗葉寒燭照愁人蘊
蓄天然性澆訛世惡真男兒出門志不獨為謀身

贈老僧

衆僧尊夏臘靈嶽遍曾登
度水手中杖行山溪畔藤
心空默是印眉白雪為稜
自得巡方道棲禪老未能

別舍弟

欲住住不得出門天氣秋
惟知偷拭淚不忍更回頭
此日祇一作唯愁老况身方遠
遊孤寒將五字何以動諸侯

雪中別詩友

酒寒無小戶請滿酌

一作酌滿

行杯若待雪消去自然春到

來出城人跡少向暮鳥聲哀
未過應闕命侯門處處開

題嶽麓寺

一簇楚江山江山勝此難覓人來畫
取到處得吟看鶴隱松聲盡魚沈檻
影寒自知心未了閒話亦多端

懷廬嶽書齋

長憶在廬嶽免低塵土顏煮茶窗底水
採藥屋頭山是境皆遊遍誰人不羨閒
無何一名繫引出白雲間

題唐興寺小松

雖小天然別難將衆木同侵僧半窗月向

一作與

客滿

一作

一襟風枝拂行苔鶴聲分叫砌蟲如今未堪看須是雪
霜中

與友人話別

客路行多少干

一作于

人無易顏未成終老計難致此身

閒月兔走入海日鳥飛出山流

一作留

年留

一作住

不得半

在別離間

贈廬嶽隱者

自見來如此未嘗離洞門結茅遮雨雪採藥給晨昏古

樹藤纏殺春泉鹿過渾悠悠無一事不似屬乾坤

懷紫閣隱者

紫閣白雲端雲中有地仙未歸蓬島上猶隱國門前
洞口人無跡花陰鹿自眠焚香賦詩罷星月冷遙天

題會上人院

鼓角城中寺師居日得閒必能行大道何用在深山
破衲新添線空門夜不闌心知與眼見終取到無間

送黃補闕南遷

得罪非天意分明謫去身一心貪諫主開口不防人自
古有遷客何朝無直臣喧然公論在難滯楚南春

送賓貢登第後歸海東

歸捷中華第

一作地

登船鬢未絲直應天上桂別有海東

枝國界波窮處鄉心日出時西風送君去莫慮到家遲

近試投所知

白髮隨梳落吟懷說向誰敢辭成事晚自是出山遲擬

動如浮海凡言似課詩終

一作修

身事知己此外復何為

送友人牧江州

本國兵戈後難官在此時遠分天子命深要使君知但
遂生靈願當應雨露隨江山勝他郡間賦庾樓詩

辭座主侍郎

一飯尚懷感況攀高桂枝此恩無報處故國遠歸時祇
恐兵戈隔再趨門館遲茅堂拜親後特地淚雙垂

別從叔

立馬不忍上醉醒天氣寒都綠在門易直似別家難世

路既如此客心須自寬江村

一作歸期

亦飢凍

一作羈束

爭及問

長安

送人南遊

凡遊南國者未有不蹉跎到海路難

一作雖

盡挂帆人更

多潮沙分象跡花洞響蠻歌縱有投文處於君能幾何

經賈島墓

謫宦自麻衣銜冤至死時山根三尺墓人口數聯詩仙
桂終無分皇天似有私暗松風雨夜空使老猿悲

秋夜

一作晚泊

一望一蒼然，蕭騷起暮天。
遠山橫落日，歸鳥度平川。
家是去秋別，月當今夕圓。
漁翁似相伴，徹曉葦叢邊。

送舍弟

我受羈棲慣，客情方細知。
好看前路事，不比在家時。
勉汝言須記，聞人善即師。
旅中無廢業，時作一篇詩。

將歸山逢友人

儒為君子儒，儒道不妨孤。
白髮多生矣，青山可住乎。
徜徉

狂寧是事巧達又非夫祇此平生願他人肯信無

經九華費徵君墓

凡弔先生者多傷荆棘間不知三尺墓高却九華山天
地有何外子孫無亦閒當時若徵起未必得身還

溪居叟

溪翁居靜處一作處靜溪鳥入門飛早起釣魚去夜深乘月

歸見君無事老覺我有求非不說風霜苦三冬一草衣

與友人對酒吟

憑君滿酌酒聽我醉中吟
客路如天遠侯門似海深
新墳侵古道白髮戀黃金
共有人間事須懷濟物心

送僧

道了亦未了言閒今且閒
從來無住處此去向何山
片石樹陰下斜陽潭影間
請師留偈別恐不到人寰

送九華道士遊茅山

忽起地仙一作他山興飄然出舊山
於身無切事在世有餘

閒日月浮生外乾坤大醉閒
故園華表上誰得見君還

寄舍弟

世亂信難通鄉心日萬重
弟兄皆嚮善天地合相容
大野陰雲重連城殺氣濃
家山白雲裏卧得最高峰

下第投所知

若以名場內誰無一軸詩
縱饒生白髮豈敢怨明時
知已雖然切春官未必私
寧教讀書眼不有看花期

寄顧雲

省得前年別蘋洲
旅館中亂離身不定
彼此信難通侯

國兵雖歛吾鄉業已空
秋來憶君夢夜夜逐征鴻

贈宣城麋明府

天下為官者無君一軸詩
數聯同我得當代遇誰知
年齒吟將老生涯說可悲
何當拋手板鄰隱過危時

望遠

門前通大道望遠上高臺
落日人行盡一作逝窮邊信不

來還聞戰得勝未見敕
召回却入機中坐新愁織不開

冬末投長沙裴侍郎

欲露塵中事其如不易言家山一離別草樹匝春暄吹
夢風天角啼愁雪嶽猿佇思心覺滿何以遠門軒

贈秋浦金明府長

倚郭難為宰非君即有私惟憑野老口不立政聲碑苦
甚求名日貧於未選時溪山竟如此利得且吟詩

和高祕書早春對雪登樓見寄之作

天有惜花意恐花開染塵先教微雪下始放滿城春且
醉登樓客重期出郭人因酬郢中律

一作

霜鬢數莖新

亂後山中作

自從天下亂日晚別庭闈兄弟團圞樂羈孤遠近歸文
章甘世薄耕種喜山一作田肥直待中興後方應出隱扉

旅寓書事

日日驚身事悽悽欲斷魂時清不自立髮白傍誰門中
路殘秋雨空山一夜猿公卿得見面懷抱細難言

舟行晚泊江上寺

久勞風水一作雨上禪客喜相依挂衲雖無分修心未覺

非日沈山虎出鐘動寺禽歸月上潮平後談空漸入微
長林山中聞賊退寄孟明府

一縣今如此殘民數不多也知賢宰切爭奈亂兵何皆
自干戈達咸思雨露和應憐住山者頭白未登科

泗上客思

痛飲復高歌愁終不奈何家山隨日遠身事逐年多沒
鴈雲橫楚兼蟬柳夾河此心閒未得到處被詩磨

寄同人

盡與貧為患，唯余即不然。
四方無靜處，百口度荒年。
白髮生閒事，新詩出數聯。
時情竟如此，不免却歸田。

下第出關投鄭拾遺

丹霄桂有枝，未折未為遲。
況是孤寒士，兼行苦澀詩。
杏園人醉日，關路獨歸時。
更卜深知意，將來擬薦誰。

塞上

草白河冰合，蕃戎出掠頻。
戍樓三號火，

一作三號

探馬一

條塵戰士風，霜老將軍雨。
露新封侯不由此，何以慰征

人

別敬侍郎

交道有寒暑在人無古今與君中夜話盡我一生心所向未得志豈惟空解吟何當重相見舊隱白雲深

送青陽李明府

善政無慙色吟歸似等閒惟將六幅絹寫得九華山求理頭空白離京一作終官債未還仍聞猿一作琴與鶴都在一

船間

將遊湘湖有作

一家相別意不得不潜然遠作南方客初登上水船嶽
鐘思冷夢湘月少殘篇便有歸來計風波亦隔年

送姚庭珪

脫衣將換酒對酌話何之雨後秋蕭索天涯晚別離人
生無此恨鬢色不成絲未得重相見看君馬上詩

投李大夫

自小僻於詩篇篇恨不奇苦吟無暇日華髮有多時進

取門難見升沉命未知秋風夜來急還恐到京遲

貽里中同志

鄉里為儒者唯君見我心詩書常共讀雨雪亦相尋
貧賤志氣在子孫交契深古人猶晚達况未鬢霜侵

江上送韋彖先輩

不易為離抱江天即見鴻暮帆何處落涼月與誰同
木葉新霜後漁燈夜浪中時難慎行止吾道利于窮

維揚逢詩友張喬

天下方多事逢君得話詩直應吾道在未覺國風衰生
計吟消日人情醉過時雅篇三百首留作後來師

秋晨有感

木葉落時節旅人初夢驚鐘才枕上盡事已眼前生吟
髮不長黑世交無久情且將公道約未忍便歸耕

秋日山中寄李處士

吾輩道何窮寒山細雨中兒童書懶讀果栗樹將空言
論闕時務篇章見國風昇平猶可用應不廢為公

一作翁

晚泊金陵水亭

江亭當廢國秋景倍蕭騷夕照殘荒壘寒潮漲古濠就
田看鶴劣一作大隔水見僧高無限前朝事醒吟易覺勞

錢塘別羅隱

故國看看遠前程計在誰五更聽角後一葉渡江時吾
道天寧喪人情日可疑西陵向西望雙淚為君垂

山中貽同志

君貧我亦貧為善喜為鄰到老如今日無心媿古人閉

門非傲世守道是謀身別有同山者其如未可親

秋日懷九華舊居

吾道在五字吾身寧陸沈涼生中夜雨

一作月

病起故山

心燭共寒酸影蛩添苦楚吟何當遂歸去一徑入松林

江岸秋思

驅馬傍江行鄉愁步步生舉鞭揮柳色隨手失蟬聲秋
稼綠長道寒雲約古城家貧過豐歲無地可歸耕

哭劉德仁

賈島還如此生前不見春豈能詩苦者便是命羈人家
事因吟失一作盡時情礙國親多應銜恨骨千古不為塵

經青山弔李翰林

何為一作謂先生死先生道日新青山明月夜千古一詩

人天地空銷骨聲名不傍身誰移耒陽冢來此作吟鄰
下第東歸別友人

不得同君一作居住當春別帝鄉年華落第老岐路出關

長芳草綠流水殘花向夕陽懷親暫歸去非是釣滄浪

秋宿詩僧雲英房

一作院

因贈

賈島憐無可都緣數句詩君雖是後輩我謂過當時溪
浪和星動松陰帶鶴移同吟到明坐此道淡誰知

送人宰吳縣

海漲兵荒後為官合動情字人無異術至論不如青草
履隨船賣綾梭隔水鳴唯持古人意千里贈君行

讀友人詩

君詩通大雅吟覺古風生外却浮華景中含教化

一作至教

情名應高日月道可潤公卿莫以孤寒恥孤寒達更榮

登山寺

山半一山寺野人秋日登就中偏愛石獨上最高層有

果猿攀

一作
搖

樹無齋鶴看僧儒門自多事從此復何能

辭九江李郎中入關

帝里無相識何門跡可親願開言重口薦與分深人卷
許新詩出家憐舊業貧今從九江去應免更迷津

江南逢李先輩

李杜復李杜彼時逢此時干戈侵帝里流落向天涯
歲月消於酒平生斷在詩懷才不得志祇恐滿頭絲

秋日寄吟友

閒坐細思量唯吟不可忘
食無三畝地衣絕一株桑
蟬樹生寒色漁潭落曉光
青雲舊知己未許釣滄浪

江上與從弟話別

相逢盡說歸早晚遂歸期
流水多通處孤舟少住時
干戈人不得已非我欲為之
及此終無媿其如道在茲

送友人遊南海

南海南邊路君遊祇為貧山川多少地郡邑幾何人
花鳥名皆別寒暄氣不均相期早晚見莫待瘴侵身

贈聶尊師

詩道將

一作皆

仙分求之不可求非關從小學應是數生

修蟾桂雲梯折鰲山鶴駕遊他年兩成事堪喜是鄰州

旅感

白髮根叢出鑷頻愁不開自憐空老去誰信苦吟來客

路東西濶家山早晚回
翻思釣魚處一雨一層苔

寄益陽武灌明府

縣稱詩人理無嫌
日寂寥溪山入城郭
戶口半漁樵
月滿彈琴夜花香
漉酒朝相思不相見
煙水路迢迢

湘中秋日呈所知

四海無寸土一生唯苦吟
虛垂異鄉淚不滴別人心
雨一作木色凋湘樹灘聲下塞禽
求歸歸未得不是擲光陰

苦吟

世間何事好最好莫過詩一句我自得四方人已知生
應無輟日死是不吟時始擬歸山去林泉道在茲

閩中別所知

觸目生歸思不堪路七千臘中離此地馬上見明年郡
邑溪山巧寒暄日月偏自疑雙鬢雪不似到南天

塞上傷戰士

戰士說辛勤書生不忍聞三邊遠天子一命信將軍野
火燒人骨陰風捲陣雲其如禁城裏何以重要勳

春日訪獨孤處士

地僻春來靜深宜長者居好花都待

一作大

晚修竹不妨

疎鴈入湘江食人侵曉色鋤似君無學處頭白道如初

哭友人

病向名場得終為善誤身無兒承後嗣有女托何人
禮難求備交情好者貧惟餘舊文集一覽一沾巾

新栽竹

斲破蒼

一作每

苔色

一作地

因栽十數莖窗風從此冷詩思

當時清酒入杯中影碁添局上聲不同桃與李瀟灑伴
書生

送吳蛻下第入蜀

下第言之蜀那愁舉別杯難兄方在幕上相復憐才鳥
徑盤春靄龍湫發夜雷臨邛無久戀高桂待君回

亂後歸山

一作
山居

亂世歸山谷征輦喜不聞詩書猶滿架弟姪未為軍山
犬眠紅葉樵童唱白雲此心非此志終擬致明君

題著禪師

大道本無幻常情自有魔人皆迷著此師獨悟如何為
岳開窓濶因蟲長草多說空空說得空得到維摩

一本
作空

麼

春日閒居即事

未得青雲志春同秋日情花開如葉落鶯語似蟬鳴道
合和貧守詩堪與命爭飢寒是吾事斷定不歸耕

秋宿棲賢寺懷友人

一宿三秋寺閒忙與曉分細泉山半落孤客夜深聞鶴
去巢盛月龍潛穴擁雲苦吟方見景多恨不同君

亂後再逢汪處士

如君真道者亂

一作高

世有閒情每別不知處見來長後

生藥非因病服酒不為愁傾笑我於身苦吟髭白數莖

山中喜與故交宿話

遠地能相訪何慙事力微山中深夜坐海內故交稀村
酒沽來濁溪魚釣得肥貧家只如此未可便言歸

觀碁

對面不相見用心同

一作如

用兵算人常欲殺顧已自貪

生得勢侵吞遠乘危打劫贏有時逢敵手當局到深更

送人宰德清

亂世人多事耕桑或失時不聞寬賦歛因此轉流離天
意未如是君心無自欺能依四十字可立德清碑

寄竇處士

漳水醉中別今來猶未醒半生因酒廢大國幾時寧海

畔將軍柳天邊處士星遊人不可見春入亂山青

題歷山舜祠

山有廟呼為帝二子多變妖異為時所敬

昔舜曾耕地遺風日寂寥世人那肯祭大聖不與妖殿
宇秋霖壞杉松野火燒時訛競淫祀絲竹醉山魃

贈李蒙叟

在我成何事逢君更勸吟縱饒不得力猶勝別勞心凡
事有興廢詩名無古今百年能幾日忍不惜光陰

維揚冬末寄幙中二從事

缺第
三句

聞道長溪尉相留一館閒

尚隔幾重山為

旅春風外懷人夜雨間年來踈覽鏡怕見減朱顏

和吳太守罷郡山村偶題二首

罷郡饒山興村家不惜過宦情隨日薄詩思入秋多野
獸眠低草池禽浴動荷眼前餘政在不似有干戈

快活田翁輩常言化育時縱饒稽歲月猶說向孫兒茅
屋梁和節茶盤果帶枝相傳終不忘何必立生祠

亂後送友人

一作送友人
遇亂歸湘中

家枕三湘岸門前即

一作有

釣磯漁竿壯歲別鶴髮亂時

歸岳暖無猿叫江春有燕飛平生書劍在莫便學忘機

送紫陽僧歸廬岳舊寺

紫衣明主贈歸寺感先師受業恩難報開堂影不知松
風欹枕夜山雪下一作樓時此際無人會微吟復斂眉

和劉評事送海禪和歸山

衲

一作內

外元無象言尋那路尋問禪將底說傳印得何

心未了羣山淺難

一作能

休一室深伏魔寧是獸巢頂亦

非禽觀色風驅霧聽聲雪灑林凡歸是歸處不必指高

岑

一作况當幽隱處未必有高岑

御溝柳

律到御溝


一作九重

春溝邊柳色新細籠穿禁水輕拂入朝

人日近韶光早天低聖澤勻谷鶯棲未穩宮女畫難真
楚國空搖浪隋堤暗惹塵如何帝城裏先得覆龍津



御定全唐詩卷六百九十一



總校官庶吉士臣張能照

校對官庶吉士臣翟槐

校對官中書臣石鴻裔

謄錄監生臣李惠滋

謄錄監生臣方汝觀